

Usa interlingua e lassa usar lo

1 Mesmo si norvegianos, svedeses e daneses – con un poco de cura – pote
2 comprender se in lor proprie linguas, interlingua esseva parlate durante le
3 majoritate del sessiones durante le 4-te Incontro Scandinave de Interlingua.
4 Si non pro un melior comprension, alora pro practicar le language.

5 Le presidente del Union Norwegian pro Interlingua, Åsmund Knutson,
6 parlava del attitude reluctant, que multes ha, in timor de parer ridicule,
7 quando illes debe parlar interlingua pro le prime vices.

8 "Il es necessari que nos focusa a iste situation e prende active iniciativa
9 pro crear un milieu, ubi on pote usar su interlingua a mesura que on ha le
10 competentia a parlar e scriber. Il es un tentation pro omne persona qui
11 excelle in un capacitate, demonstrar su brillantia e ganiar honor e admira-
12 tion. Ma al mesme tempore, le melior interlinguistas ha le potential de elevar
13 nostre nivello commun pro usar interlingua. Cata membro deberea attinger un
14 competentia pro utilizar interlingua elementarimente e non stagnar in un
15 frustration que ille non jammais pote haber le elegantia de nostre fratres
16 gaudiose," ille diceva e proponeva le establimento de un serie de *easy-*
17 *readers* in interlingua.

18 "Forsan ha nostre union plus besonio de tal simple libros. Forsan il essera
19 plus avantagiose que accumular un bibliotheca de litteratura complexe e
20 impressive, usate solmente del club central? Koine, in su tempore, attingeva
21 le position de esser le lingua del nove testamento, nonobstante que illo de
22 facto esseva un lingua vulgar. Illo esseva un ver interlingua basate al lingua
23 classic de Hellas. Io crede que un interlingua simple e multo flexibile pote
24 esser un supplemento de valor al interlingua pur e perfecte," Åsmund
25 Knutson addeva.

Ordliste

mesmo si selv om ■ **cura** omhu ■ **incontro** træf, møde ■ **comprension** forståelse ■ **language** sprog, tungemål ■ **reluctante** modstræbende ■ **timor** frygt ■ **parer** fremstå, synes ■ **a mesura que** efterhånden som ■ **tentation** fristelse ■ **exceller** udmærke sig ■ **ganiar** vinde ■ **honor** ære ■ **elevar** hæve ■ **nivello** niveau ■ **commun** fælles ■ **attinger** nå ■ **competentia** dygtighed, kunnen ■ **utilisar** bruge, udnytte ■ **stagnar** stå i stampe ■ **non jammais** aldrig ■ **establimento** etablering ■ **besonio** behov ■ **avantagiose** fordelagtig ■ **accumular** ophobe ■ **impressive** imponerende ■ **nonobstante** trods ■ **de facto** faktisk ■ **Hellas** (antikkens) Grækenland ■ **valor** værdi ■ **pur** ren